

Greinargerð til bæjarráðs Akraness

-vegna ákvörðunar sjávarútvegsráðherra, að skerða veiðiheimildir fyrir strandveiðisvæði D (Hornafjörður-Borgarbyggð) um 200 tonn á fiskveiðiárinu 2015/2016.

Með útgáfu reglugerðar nr. 337 þann 26. apríl sl. ákveður sjávarútvegsráðherra að auka heildarkvóta fyrir strandveiðar á fiskveiðiárinu 2015-2016 um 400 tonn og jafnframt á sama tíma að skerða veiðiheimildir á strandveiðisvæði D um 200 tonn.

Með því að skerða svæði D um þessi 200 tonn og færa yfir á önnur svæði jók ráðherra veiðiheimildir þeirra um 600 tonn.

Svæði	Fjöldi báta	Úthl. maí	Úthl. jún	Úthl. júl	Úthl. ágú	Tonn/bát
A	213	852	1023	1023	512	16,0
B	124	521	626	626	313	16,8
C	111	551	661	661	331	19,9
D	118	520	455	195	130	11,0
D-2015	97	600	525	225	150	15,5

Strandveiðisjómenn á svæði D voru almennt nokkuð bjartsýnir fyrir tímabilið en með þessari ákvörðun setti ráðherra allt í uppnám. Það verður seint sagt að um sé að ræða traust rekstrarumhverfi í strandveiðum þegar ráðherra ákveður slíka skerðingu einungis fjórum dögum fyrir upphaf veiða

Alda mótmæla fór strax af stað og hafa nær öll aðildarfélög L.S. mótmælt og sent ályktanir og áskoranir til ráðherra, þingmanna og annarra aðila sem áhrif geta haft á ákvarðanatöku ráðherra í þessu máli.

Á Akranesi eru á annan tug strandveiðibáta. Þessi ákvörðun kom illa við okkur og menn voru sárir og fannst illa að sér vegið. Guðmundir Páll Jónsson fékk sjávarútvegsráðherra, Gunnar Braga Sveinsson, til fundar við strandveiðimenn á Akranesi. Fundurinn var haldinn á Gamla Kaupfélaginu og þar lýstu menn óánægju sinni og kröfðust leiðréttingar. Ráðherra var bent á það hróplega óréttlæti sem fælist í þessari ákvarðanatöku. Ráðherra hlustaði ásamt aðstoðarkonu sinni og punktaði niður. Hann ávarpaði síðan fundinn og varði ákvörðun sína með því að svæði D hefði ekki náð að veiða viðmiðunarkvóta fiskveiðiársins 2014/2015. Þá hefðu færri dagar komið í hlut annarra svæða og þá sérstaklega tilgreint svæði A. Ákvörðunin væri til þess fallin að jafna þennan aðstöðumun. Líti menn á úthlutunartöflu getur hver og einn séð hvers hlut þyrfti að laga.

Á árinu 2015 voru slæmar gæftir í maí og júní og aflabrögð eftir því. Til samanburðar geta menn borið saman landanir í maí þessi ár.

2015- 412 landanir, 2016-850 landanir

Kvótinn kláraðist tveimur dögum á eftir svæði A í maí og júní og tveim dögum fyrr í júlí.

Ijóst er að forsendur fyrir ákvarðanatöku sjávarútvegsráðherra standast engann veginn.

Krafan er því sanngjörn: 200 tonnunum verði skilað strax.

Heitum við á bæjarráð Akraness að taka heilshugar undir kröfu okkar og styðja okkur með yfirlýsingu.

Fh. Sæljóns, félags smábátæigenda á Akranesi.

Rögnvaldur Einarsson